

Kalaallit Nunnaanni Inatsisartut  
Inatsisartut Allattoqarfiat

Grønlands Landsting  
Landstingets Bureau



Kultureqarnermut, Ilinniartitaanermut, Iisimatusarnermut Ilageeqarnermullu  
Naalakkersuisoq

## **Pineqartoq: Tusagassiuisarnermi akisussaassuseqarneq pillugu Inatsisartut inatsisissaattut siunnersuut**

23. juli 2007

Upernaakkut 2007-imi Inatsisartut ataatsimiinneranni Tusagassiuisarnermi akisussaassuseqarneq pillugu Inatsisartut inatsisissaattut siunnersuummik Naalakkersuisut saqqummiussipput. Siunnersuummik siullermeerineranut atatillugu Inatsisartut Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaannut siunnersuut suliassanngortinneqarpoq.

Inatsisartut Allattoqarfiat  
Landstingets Bureau  
Postboks 1060  
3900 Nuuk  
Oq/tel +299 34 50 00  
Fax +299 32 46 06  
Landstinget@gh.gl  
www.nanoq.gl

Inatsisissatut siunnersuummut atasumik tusarniaanermut Nunatta Eqqartuussivía aamma Tusagassiuisarnermut Tunngasuni Aalajangiisartut ataatsimut akissuteqarnermini uparuarpaat siunnersuut iliuseqarnissamut (=pineqaatissiinissamut aalajangersakkat) taarsiisussaataitanermullu akisussaaneq pillugu aalajangersagartaqartoq Nunatta Eqqartuussiviata aamma Tusagassiuisarnermut Tunngasuni Aalajangiisartut tassunga atasumik oqaatigaat Nunatta Eqqartuussiviata aamma Tusagassiuisarnermut Tunngasuni Aalajangiisartut Folketingimit akuersissutigineqartumik pisinnaatitsissutitut inatsimmi erseqqissumik pisinnaatinneqarani Inatsisartut maleruagassanik taamatut atuuttussanik aalajangersaasinnaanerat qularutigigitsik oqaatigaat. Nunatta Eqqartuussiviata aamma Tusagassiuisarnermut Tunngasuni Aalajangiisartut kaammattuutigaat apeqqut tamanna erseqqinnersumik misissorneqassasoq.

Inatsisartut Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaata arajutsisimanngilaa pisinnaatitsissutitut inatsimmut nasuiaatini erseqqissumik naatsorsuutigineqartoq tusagassiornermi inatsisitigut akisussaaneq pillugu Namminersornerullutik Oqartussat erseqqinnerusumik maleruagassanik aalajangersaanissamut, aammattaaq taarsiisuteqartarnermut inatsisitigut pinerluttulerineremullu inatsisitigut akisussaaneq pillugu inatsit, periarfissiisuusoq.

Ataatsimiititaliamilli ilanngullugu arajutsisimaneqanngilaq Inatsisit Atortinneqarnerannut Ministeriap Naalakkersuisullu Inatsisilerineremut Allaffiata oqaloqatigiinnerisigut inatsisilerinikkut paasinianeqarsimasoq Namminersornerullutik Oqartussat inatsisaasigut pineqaatissiisarnermut aalajangersakkanik atuuttunik Namminersornerullutik Oqartussat aalajangersaasinnaanersut. Taamatut misissuineq maannak-

kut naammassineqarsimanersoq, taamaassimappallu qanoq inerneqarsimanersoq, Ataatsimiititaliap ilisimanngilaa.

Taamaammat Tusagassiuisarnermi akisussaassuseqarneq pillugu inatsimmi pineqaatissiisarnermut aalajangersakkat pisinnaatitsissutitaqarsimannngissinnaanerat, taamaalillutillu atuuttussaanninnerat qularutigineqarsinnaajunnaarsinniarlugu inatsisissatut siunnersuutip aappassaaneerneqarnissaa sioqqullugu Inatsisit Atortinneqarnerannut Ministeriaqarfimmi apeqquq naliliivigineqassasoq ataatsimiititaliap qinnutigissavaa.

Inussiarnersumik inuulluaqqusillunga

Kristian Jeremiassen

Inatsisartut Kultureqarnermut, Ilinniartitaanermit, Ilisimatusarnermut  
Ilageeqarnermullu Ataatsimiititaliaata siulittaasua